

**Товарни ишлаб чиқариш, етказиб бериш, ўрнатиш, монтаж қилиш
ва ишга тушириш бўйича**

Тошкент шаҳри

2022 йил «25» ноябр

Бундан кейин «**Буюртмачи**» деб аталувчи, Низом асосида иш юритувчи Бухоро Давлат университетининг Педагогика институти номидан Директор М.И.Даминов ва бундан кейин «**Ижрочи**» деб аталувчи, Устав асосида иш юритувчи «**SUN-HIGHTECH**» масъулияти чекланган жамияти (МЧЖ) номидан Бош директор Э.Т.Абдуллаев (бундан кейин биргаликда «**Томонлар**» деб аталади, ва мазкур шартномада кўрсатилган ҳар бир юридик шахс «**Томон**» деб аталади) ушбу Шартномани қуйидагилар ҳақида туздилар:

I. ШАРТНОМА МАВЗУСИ

1.1 Ижрочи Буюртмачига қарашли ҳудудига 100кВт қувватга эга тармоқ қуёш электр станциясини (бундан буён матнда «**Товар**» деб аталади) ишлаб чиқариш, етказиб бериш, ўрнатиш, монтаж қилиш ва ишга тушириш бўйича ишларни бажариш мажбуриятини олади. **Буюртмачи** қуйдаги манзилда жойлашган – Бухоро вилояти, Бухоро шаҳар, Пиридастгир кўчаси, 2а-уй.

Мазкур шартнома Бухоро Давлат университетининг Педагогика институти томонидан **Товарни** харид қилиш бўйича 2022 йил 21 ноябрдаги 176260-сонли энг яхши оферта лотини танлаш бўйича харид қилиш комиссиясининг баённомаси асосида тузилди.

1.2 Ижрочи ушбу Шартномани тузиш вақтида **Томонлар** томонидан келишилган ва имзоланган (Шартноманинг ажралмас қисми бўлган 1-илова) мувофиқ **Товарни** ишлаб чиқариш мажбуриятини олади. **Буюртмачи** томонидан Техник топшириқларга ҳар қандай ўзгартиришлар киритилган тақдирда, ушбу ўзгаришлар ушбу Шартномага ёзма қўшимча келишув асосида **Ижрочи** билан келишилганидан кейин якуний ўзгартирилган деб ҳисобланади.

II. ТОВАРНИНГ НАРХИ ВА ТЎЛОВ ТАРТИБИ

2.1. Мазкур Шартнома бўйича **Товарнинг** нархи қўшилган қиймат солиғи (ҚҚС) билан бирга **1 100 000 000** (Бир миллиард бир юз миллион) сўмни ташкил этади.

2.2. Ушбу Шартнома бўйича тўлов **Буюртмачи** томонидан **Ижрочи** ҳисоб рақамига пул маблағларини қуйидаги тартибда ўтказиш йўли билан амалга оширилади:

2.2.1. **Томонлар** томонидан ушбу Шартнома имзоланган кундан бошлаб 5 (беш) банк куни ичида шарномани 2.1. бандида кўрсатиб ўтилган **Товар** қийматининг 30 фоизи миқдорида олдиндан тўлов;

2.2.2. **Товарни** ўрнатиш, монтаж қилиш ва ишга тушириш бўйича ишлар амалга оширилгандан кейин, ва ушбу ишлар қабул қилиб олинган кундан бошлаб **Товар** қийматининг 70 фоизини **Буюртмачи** 3 (уч) иш кунида ичида амалга оширилади.

III. ТОВАРНИ ИШЛАБ ЧИҚАРИШ, ЕТКАЗИБ БЕРИШ, ЎРНАТИШ, МОНТАЖ ҚИЛИШ ВА ИШГА ТУШИРИШ ШАРТЛАРИ

3.1. Ушбу Шартнома бўйича **Ижрочи** томонидан **Буюртмачига Товарни** ишлаб чиқариш, етказиб бериш, ўрнатиш, монтаж қилиш ва ишга тушириш шартларининг бажарилиши тўлов амалга оширилган пайтдан бошлаб 30 (ўттиз) иш кун этиб белгиланади. Шунда **Ижрочи** томонидан ишлар бажарилганда, оби-ҳаво бўзилиши ҳолатлари мавжуд бўлса, яъни ёмғир ва қор ёғса, ва (ёки) мамакалдрок ва туман мавжуд бўлганида, ҳамда кучли шамол эзса, унда ишлар тўхталди. Иш жараёни тўхтатишга

Ижрочи мажбурлиги сабаби, ишчилар баландликда очик об-хавода тармоқ куёш фотоэлектр станцияларни ўрнатади ва ушбу станция электр ишлаб чиқаради, ва шунда оби-хаво бўзилиши ҳолатлари мавжуд бўлганда электр ток уларни соғлиғига катта зарар етказиши мумкин. Шу сабабдан ишларни меҳнат муҳофазаси бўйича ҳукуматимиз ва ваколатга эга бўлган Давлат органлари кўпгина норматив-меёрий ҳужжатлар қабул қилган, яъни Ўзбекистон Республикаси «Меҳнатни муҳофаза қилиш тўғрисида» қонуни, Меҳнат ва аҳолини ижтимоий муҳофаза қилиш вазирлиги томонидан 2008 йил 17 декабрдаги 75-сонли буйруғи билан тасдиқланган «Баландликда ишлаганда меҳнатни муҳофаза қилиш қоидалари» ва бошқалар.

3.2. Ижрочи Товарни Буюртмачига муддатидан аввал етказиб бериш ҳуқуқига эга.

3.3. Ижрочи ушбу Шартнома бўйича ўз Шартнома мажбуриятларини **Буюртмачи** 5 (беш) банк кун ичида **Ижрочининг** ҳисоб рақамига олдиндан тўлов қилинган кундан бошлаб бажаришга киришади.

IV. ШАРТНОМА БЎЙИЧА ТОМОНЛАРНИНГ ҲУҚУҚЛАРИ ВА МАЖБУРИЯТЛАРИ

4.1. Ушбу Шартнома бўйича Томонлар қуйидаги ҳуқуқларга эга:

— ушбу тузилган Шартномани тузиш ва бекор қилиш муносабати билан зарур бўлган маълумотномалар ва бошқа ҳужжатларни сўраш ва олиш;

— ҳуқуқ ва қонуний манфаатларини ҳимоя қилишни таъминлаш учун амалдаги қонун ҳужжатларида назарда тутилган воситалар ва усулларни қўллаш;

4.2. Ушбу Шартнома бўйича Томонлар қуйидагиларга мажбурдирлар:

— Ўзбекистон Республикасининг амалдаги қонунчилиги талабларига риоя қилиш;

— тузилган ушбу Шартнома талабларига мувофиқ ўз зиммасига олган мажбуриятларини ўз вақтида ва тегишли тартибда бажариш.

4.3. Буюртмачи қуйидагиларга мажбур:

- ушбу Шартнома бўйича етказиб берилган **Товар** учун ўз вақтида дастлабки ва якуний тўловни амалга ошириш;

- **Товарни** ўрнатиш тугалланганлиги тўғрисида билдиришнома олгандан сўнг, икки кун ичида **Товарни** ўрнатиш бўйича иш ҳажмини кўриб чиқиш ва қабул қилиш ва нуқсонлар аниқланган тақдирда, бу ҳақда **Ижрочига** маълум қилиш.

4.4. Ижрочи қуйидагиларга мажбур:

- Ушбу шартномада белгиланган тартибда **Товарни** етказиб бериш;

- **Буюртмачи** вакили иштирокида ушбу Шартнома бўйича **Товарни** ишга туширишни амалга ошириш ва **Товарни** ўрнатиш бўйича ишларни бажаришда **Буюртмачининг** ёзма ва (ёки) оғзаки тавсияларига риоя қилиш;

- техник топшириқлардан четга чиқишларни **Буюртмачи** билан келишиш;

- ушбу Шартномада белгиланган муддатларда **Товарни Буюртмачига** топшириш;

- ушбу Шартномада кўрсатилган **Товарни** ўрнатиш бўйича техник топшириқ ва иш ҳажмини **Буюртмачининг** розилигисиз учинчи шахсларга бермаслик.

V. ТОВАРНИ ТОПШИРИШ ВА ҚАБУЛ ҚИЛИШ ТАРТИБИ

5.1. Ушбу Шартнома бўйича Товарни топшириш Буюртмачининг ваколатли вакили томонидан имзоланган **Товарни** икки томонлама топшириш-қабул қилиш далолатномаси имзолангандан сўнг якуний топширилган ҳисобланади.

5.2. Буюртмачи Товарни топшириш тўғрисидаги билдиришномани олган кундан бошлаб 10 (ўн) кун ичида:

- ёки **Товарни** қабул қилиши ва **Товарни** топшириш-қабул қилиш далолатномасини имзолаши;

- ёки **Товарни** қабул қилишдан бош тортиши ва **Ижрочига** асослантирилган рад жавобини юбориши керак.

5.3. Асосли раддия бўлган тақдирда, тузатишлар рўйхати ва аниқланган нуқсонларни бартараф этиш муддатлари кўрсатилган икки томонлама далолатнома тузилади.

VI. ДАЪВОЛАРНИ ТАҚДИМ ЭТИШ ВА КЎРИБ ЧИҚИШ ТАРТИБИ

6.1. Ушбу Шартнома бўйича ҳуқуқлари ва қонуний манфаатлари бузилган **Томон** бошқа **Томонга** қонун ҳужжатларида белгиланган тартибда ва муддатларда даъволар кўйиш ҳуқуқига эга.

6.2. Ушбу Шартнома бўйича даъво аризаси берилган **Томон** даъво олинган кундан бошлаб 30 (ўттиз) кун ичида ушбу даъвога ёзма жавоб беришга мажбурдир.

6.3. Белгиланган муддатларда даъво аризаси рад этилган (қисман рад этилган) ёки жавоб ололмаган **Томон**, тегишли суд қарорини олиш учун Тошкент шаҳар иқтисодий судига даъво аризаси билан муружаат қилиши мумкин.

VII. ШАРТНОМА БЎЙИЧА МАЖБУРИЯТЛАРИНИ БУЗГАНЛИК УЧУН ЖАВОБГАРЛИК

7.1. Мазкур Шартнома бўйича мажбуриятларни бажармаганлик ёки лозим даражада бажармаганлик учун **Ижрочи** ва **Буюртмачи** Ўзбекистон Республикасининг амалдаги қонунчилигига мувофиқ жавобгар бўладилар.

7.2. **Товарни** топшириш муддатлари ўз вақтида бажарилмаган тақдирда, **Ижрочи Буюртмачига** кечиктирилган ҳар бир кун учун **Товар** қийматининг 0,05% миқдориди, лекин **Товар** қийматининг 50% дан кўп бўлмаган миқдорда жарима тўлайди.

7.3. Ушбу Шартномада назарда тутилган муддатларда тўловни ўз вақтида тўламаганлик ва (ёки) кечиктирилганлик учун **Буюртмачи Ижрочига** кечиктирилган ҳар бир кун учун 0,05% миқдориди, лекин кечиктирилган тўловнинг 50% дан кўп бўлмаган миқдорда жарима тўлайди.

VIII. ФОРС-МАЖОР ҲОЛАТЛАРИ

8.1. **Томонлар** Шартнома бўйича мажбуриятларни бажармаганликлари учун, агар уларни бажаришнинг иложсизлиги Шартнома бўйича мажбуриятларнинг бажарилишига бевосита таъсир қилувчи табиий офатлар ёки ҳарбий ҳаракатлар, шунингдек, давлат органлари томонидан ушбу Шартнома шартларини бажаришга тўсқинлик қилувчи қонун ҳужжатларини қабул қилиш ва (ёки) ўзгартириш каби форс-мажор ҳолатлари натижасида юз берган бўлса, жавобгар бўлмайдилар.

IX. КОРРУПЦИЯГА ҚАРШИ ШАРТЛАР

9.1. Мазкур шартнома бўйича ўз мажбуриятларини бажаришда томонлар, уларнинг ходимлари ёки воситачилари ҳар қандай шахсга тўғридан-тўғри ёки билвосита пул ёки қимматбаҳо нарсаларни тўламайди, тўлашни таклиф қилмайди ёки тўлашга рухсат бермайди. Ҳар қандай шахсларнинг қарорлари ўзгартиришлари учун ёки номақбул устунликка эришиш ёки бошқа номувофиқ мақсадларга эришишга йўл қўймайди.

9.2. **Томонлар**, уларнинг ходимлари ёки воситачилари ушбу шартнома бўйича ўз мажбуриятларини бажараётганда амалдаги қонунчиликда пора бериш(олиш), шунингдек амалдаги қонун ҳужжатларини ёки коррупцияга қарши халқаро актлар талабларини бузувчи бошқа ҳаракатларни амалга оширмайдилар.

9.3. Агар томонлардан бири ушбу банднинг ҳар қандай қоидаларининг бузилиши содир бўлган ёки содир бўлиши мумкин деб гумон қилса, тегишли томон бошқа томонни ёзма равишда хабардор қилиш мажбуриятини олади. Ёзма билдиришномада томон бошқа томон, унинг ходимлари ёки воситачилари томонидан ушбу банднинг ҳар қандай

қоидалари бузилиши содир бўлган ёки содир бўлиши мумкин бўлганлигини ишончли тасдиқловчи ёки ишонтириш учун асос бўладиган фактларга ҳавола қилиши ёки материалларни тақдим қилиши керак.

9.4. Агар Томонлардан бири ушбу банд қоидаларини бузса, бошқа Томон шартномани бир томонлама бекор қилиш тўғрисида ёзма билдиришнома юбориш орқали шартномани суддан ташқари бир томонлама тартибда бекор қилишга ҳақли.

Х. ЯКУНИЙ ШАРТЛАР

10.1. Ушбу Шартномага киритилган ҳар қандай ўзгартириш ва қўшимчалар, агар улар ёзма равишда тузилган ва томонларнинг ваколатли вакиллари томонидан имзоланган бўлса, ҳақиқий ҳисобланади.

10.2. Томонларнинг ҳеч бири бошқа Томоннинг ёзма розилигисиз Шартнома бўйича ўз ҳуқуқларини учинчи томонга ўтказишга ҳақли эмас.

10.3. Ушбу Шартнома икки нусхада тузилди. Иккала нусха ҳам бир хил ва бир хил юридик кучга эга. Томонларнинг ҳар бири ушбу Шартноманинг битта нусхасига эга.

10.4. Ушбу Шартномада назарда тутилмаган барча масалаларда томонлар Ўзбекистон Республикасининг амалдаги қонунчилигига амал қиладилар.

10.5. Мазкур шартнома имзолангандан кундан то 2022 йил 31 декабрь кунига қадар амал қилади. Лекин мазкур шартноманинг 3.1. бандида кўрсатилган ҳолатлар мавжуд бўлганда ушбу шартнома муддати, қонунчиликда белгиланган тартибда, ўзайтирилиши мумкин.

XI. МАНЗИЛЛАР ВА БАНК РЕКВИЗИТЛАРИ

«БУЮРТМАЧИ»

Бухоро Давлат университетининг
Педагогика институти
Манзил: Бухоро вилояти, Бухоро шаҳар,
Пиридастгир кўчаси, 2 уй.

X/P: 400910860064017094100079006

«ИЖРОЧИ»

«SUN-NIGHTESH» МЧЖ
Манзил: Тошкент ш., Юнусобод
тумани, Боғишамол кўчаси 160 уй,
Юнусобод кичик саноат зонаси.
Тел: (94) 777-78-88
х/р: 2020 8000 2052 0055 3001
«ЎЗСАНОАТКУРИЛИШБАНК» АТБ БОШ
ОФИСИ, ММТ: 00440
СТИР 307 258 109, ИФУТ 27900

СТИР: 308 570 734
ММТ: 000 14; ИФУТ:



Директор  М.И. Даминов

Бош директор 

Э. Абдуллаев

 Юрисконсулт  А. Мирходжаев

2022 йил 25 ноябр кунги 03/25-сонли шартномага 1-илова

Шартнома нархини тасдиқлаш баённомаси

Бундан кейин «Буюртмачи» деб аталувчи, Низом асосида иш юритувчи Бухоро Давлат университетининг Педагогика институти номидан Директор М.И.Даминов ва бундан кейин «Ижрочи» деб аталувчи, Устав асосида иш юритувчи «SUN-HIGHTECH» масъулияти чекланган жамияти (МЧЖ) номидан директор Э.Т.Абдуллаев бошқа томон, Шартноманинг умумий нархи ҚҚС ни ҳисобга олган ҳолда **1 100 000 000** (Бир миллиард бир юз миллион) сўмни ташкил этиши ва қуйидагиларни ўз ичига олиши тўғрисида келишиб олдилар:

Т/Р	Маҳсулот номи	Ўлчов бирлиги	Микдори	Нархи (сўм)	Етказиб бериш нархи (сўм)	ҚҚС		ҚҚС билан нархи (сўм)
						Фо-из	Микдори (сўм)	
1	2	3	4	5	6	7	8	
1	100кВт қувватдаги тармоқ қуёш электр станцияси. Таркиби: Қуёш панелининг умумий қуввати 100 000Вт, Инверторнинг умумий қуввати 100кВт, Қуёш панелларини ўрнатиш учун металлқонструкция , кабель, шит ва бошқалар.	дона	1	956 521 739,13	956 521 739,13	15 %	143 478 260,87	1 100 000 000,00
ЖАМИ								1 100 000 000,00

Шартнома нархига юқорида кўрсатилган усқунанинг нархи, етказиб бериш, шунингдек, усқунани ўрнатиш ва ишга тушириш харажатлари киради.

«БУЮРТМАЧИ»

«ИЖРОЧИ»

Бухоро Давлат университетининг
Педагогика институти

«SUN-HIGHTECH» МЧЖ

Директор

М.И.Даминов

Бош директор

Э.Абдуллаев

Юристонлар *М.А. Мирхорраев*

✓